

四庫全書

集部

欽定四庫全書

華陽集卷十一

宋 王珪 撰

制詞

表 御札

明堂禮成奏謝諸陵表二道

伏以九筵修配萬玉相成孝盡人倫報明天道顧守鴻業荐稽潤文迨錫壽符舉欽靈睠

伏以紹綏寶圖躬緝大祭九秋蠲潔五室會精鴻儀釋陳嘉應顯見惕懷先訓遂格曠文維祚之休曷報之極

寒食節起居諸后陵表二道

伏以春露零宵屢驚節物之變玉衣留御永悼徽音之遐肆守丕圖適遵慈訓屬桐華之俯候瞻羽駕以馳思伏以淑律向闌感孝思之無極仙園在望愧祇謁以未遑永言遺訓之存施及眇躬之御嘉辰又至芳薦維恭中元節起居諸后陵表三道

伏以素商肇新華月初滿望山陵之喬木當天地之肅辰伏惟皇后位正坤儀道符乾極流徽音於來裔濟審

烈於當時興言眇躬嗣守鴻業適及戒寒之候何勝追  
養之思

伏以維斗建寅其神執矩當陰靈之既望中商律之始  
清恭惟皇后沙麓鍾祥河洲播德早儼儀於乾極奄淪  
耀於軒宮猥念菲涼獲膺統序悼音塵之已邈增悽愴  
之無窮

伏以方秋之初其月既望氣始肅而用事火西流而戒  
寒伏惟皇后配德純坤徽音具紀收神太素懿烈如生

屬霜降之在辰想臆遊之何所有懷明發罔極孝思

十月旦起居諸帝陵表三道

伏以氣正上冬時維良月候北郊之初凜當萬物之畢  
藏恭惟皇帝凝命中天施功四海神機厭代早從上漢  
之遊寶畧週年居極念親之感光靈如在悽愴何窮  
伏以場功初入關旅既來肇升一氣之嚴時告百嘉之  
備恭惟皇帝誕膺天命保有皇圖方聖德之澤民忽神  
遊之厭代九清留景萬世垂謀適更寒籥之初益起親

園之慕

伏以氣薄水行景移冬陸愴衣冠之遺御怵霜露之時  
思恭惟皇帝盛德參天至仁懷物雖游神於霄極固貽  
美於蘿圖敢達至虔以修常薦

十月旦起居諸后陵表三道

伏以令主水行氣乘坎治國謹門閭之戒農登黍稷之  
儲恭惟皇后秉坤順之儀儷乾剛之德音流彤管慈訓  
猶存塵晦玉衣仙遊何在寒威忽變孝感無窮

卷十一  
伏以顓帝御辰應鐘合律度寒風於曠野馳愛日於層  
空恭惟皇后助德先朝流光後裔神遊上僚久閔於椒  
闈歲景易遷幾周於玉歷肇膺皇序增惕孝思

伏以北陸凝陰荐更於冬律九清留馭緬慕於仙遊恭  
惟皇后德配乾行體儀坤載流徽音之雖邈導慈訓以  
如存敢達孝思用申時薦

冬節起居諸帝陵表三道

伏以初陽襲管愛景延主慶屬昭辰感深遺御恭惟皇

帝功恢鴻業澤浸涵生燕體在天詒謀匪德敢因時薦  
庸格孝思

伏以歲律更端天元合統祥起五星之會氣滋萬彙之  
萌恭惟皇帝乘運炎精握符帝極早游神於太素空留  
澤於涵生長至協辰永懷垂訓

伏以景延南極氣動黃宮亞輯玉於歲儀發書雲於朝  
誓恭惟皇帝寶有神運大恢帝謨惕循眇德之承純荷  
燕謀之及遵圖豈易感節何勝



冬節起居諸后陵表三道

伏以緹室驚和又新嘉節玉衣留御寢邈靈游恭惟皇  
后稟坤體之柔配乾符之正儲休寶緒屬德眇躬緬慕  
慈徽惕申孝感

伏以窮陰受謝愛晷迎長驚寶燭之初融感芳芸之載  
馥恭惟皇后體侔坤載德儷皇居塗山之賢早興有夏  
之治闕睢之化猶播在河之音嘉節又新先園永悼  
伏以漢歷推元已合連星之異洛圭定景初迎至日之

長恭惟皇后德正坤符體齊天極不返瑤臺之駕空留  
彤管之芳永念詒謀何勝感節

年節起居昭憲孝明孝惠孝章懿德明德淑德  
章獻章懿章惠章穆章懷皇后陵表

伏以蒼精告辰太簇中律銷嚴氣於氷井上榮光於露  
臺恭惟皇后天合作祥陰儀處順仙山何所應陪羽駕  
之游春日空長那復蠶宮之御適臨改歲倍積馳思

寒食節起居南京鴻慶宮等處神御殿表二道

伏以桐花初茂榆火載新瞻言仙馭之游舊載名封之  
祀仰威神之不昧感時節之又遷惕奉遺謀永懷孝慕  
伏以神榆更燧春露零虛瞻勝宇之雖遙奉靈遊而如  
在恭惟皇帝陛下茂經邦業永繫民懷歛法御之賓空  
極遺仁之感物顧茲菲德嗣守丕圖惕維先訓之承優  
若時思之慕

中元節起居南京鴻慶宮等處神御殿表

伏以音移商律景蕭金行火殺芒以流空水凝氣而收

野伏惟皇帝功高遠古澤浸涵生瞻勝迹以雖存想神  
遊之何所適履夷傷之候載深悽愴之懷永念燕謀往  
虔嘉薦

中元節起居永昭陵慈聖光獻皇后表

伏以方秋厥初維月既望火流天而滌暑露霑卉以舒  
芳恭惟皇后功協聖謨德侔坤極仙遊不返感急節之  
徂遷孺慕未忘瞻長陵而摧咽

冬節起居南京鴻慶宮等處神御殿表三道

伏以寶馭遊真爰宅神於勝境圭延晷業盍慶賀於嘉辰緬慕烈光惕增孝感冀敷靈祐丕衍皇圖

伏以流年屢遷嘉節環至律應黃鍾之本日迎南極之長恭惟皇帝靈德在天睿謀垂世奉容衣於別寢悼遺劍於昔遊適臨天序之元空起邦情之慕

伏以一陽來復萬物滋萌驚歲序之又新奉衣冠之如昨恭惟皇帝履炎靈之運恢皇極之符慶流子孫之不窮功齊天地之何泯適臨嘉節空積追懷

乾元節內中奏謝祖宗表

臣以寡昧承基託於民上誕生之日感怵先猷晷食勞思懼失聖業在天流祉以右邦圖

乾元節內中奏謝章獻章懿章惠皇后表

伏以紫掖留慈報隆罔極炎煒御氣詳紀迺生永懷鞠育之仁莫及清溫之養悼徽音之寢邈蘄後祉之是延

乾元節內中謝露香表

顧以眇生之辰載履炎序承天丕命保乂有邦側身寤

興思答貺施靈薰之薦庶格至忱

太廟皇帝問皇太后聖體表

臣某言茲者諏景至之吉肇國陽之禋乃飭齋輿先薦清廟竚蠲成於孝饗阻供侍於慈闈適履祈寒仰綏純祉

明堂內中奏告三清玉皇聖祖及諸神御殿表  
伏以欽循舊典包舉上儀前卜季秋之良躬陳五府之祀報物生之大本竚神監之下臨垂諒精祈右成熙事

明堂奏告內中諸神及在京宮觀表

伏以嚴烈考之配交上臺之歡迺涓路寢之居以倣合  
宮之制乘秋季序秩古遺文敢薦至忱期導來祉

天貺節內中謝露香表四道

伏以上真眷命丕迪於先猷嘉瑞著符薦臨於華節猥  
承洪緒祇奉前科是夕玉女來臚青童侍案關八素之  
秘字露七晨之返香伏願高通太清陰相寶祚監孚精  
志垂錫大禧



伏以炎暑徂威靈書告瑞表錫符於上帝爰紀節於嘉  
辰霽景澄虛寶薰露夕仰格九清之監永孚萬祚之休  
伏以候隆炎律嶽薦珍符本祚德於昌期風標名於令  
節就祓丹除之地高通紫極之薰尚監涓衷益享永佑  
伏以圓穹胙德皇厯儲休循祖烈之重熙記節名於嘉  
候大廷初肅甲夜正清敢薦信於高晨願侈祥於昌會  
天慶節內中謝露香表

伏以歲適開元月方成朏稽慶源於道祖發靈貺於真

朝顧循眇躬膺被大統敢格肅忱之蘊終蒙保右之私  
天琪節內中謝露香表二道

伏以天發珍符候臨嘉節仰企紫宸之境躬燭清夜之  
香儲思中虔逆釐下委追述先猷之奉永期丕祚之延  
伏以寶歷擁時肇應帝衡之運靈符錫命夙昭祖烈之  
休顧嗣守於丕圖方仰循於前矩爰臨佳節更屬精衷  
先天節內中謝露香表五道

伏以新秋薦涼甲夜臨霽肅肅祕殿寥寥太清燃芳上

騰迎福下墮維高監德與衆承休

伏以孟秋初告甲夜載涼太霄廓虛景緯澄霽躬燃寶  
炷仰達至誠欽靈監之昭回委鴻禧之穰簡願言烝庶  
同保壽康

伏以清秋冠序嘉節紀辰望雲景之杳冥度蘭煙之馥  
郁至精馳越靈造感通願錫殊祥益隆永祚

伏以孟秋初告甲夜新涼迹遺事於祖朝感下遊之真  
駕肆及眇躬之御益虔靈顧之承適履嘉辰更孚精意

伏以厥月孟秋維時中氣明發不寐亡如事存伏惟皇  
帝威靈在天功烈被世瞻言僊御來止真祠及茲搖落  
之辰實增悽愴之感奉承遺緒居極永懷

隆聖節內中謝露香表三道

伏以冬籥初寒夜庭未艾昔感飈遊之顧嘗膺神策之  
祥肆纂丕圖載臨嘉序企九清之玉景煥百和之蘭煙  
敢薦至忱庶孚永祐

伏以候應寒籥霄嚴寶除欽皇帝之肇祥感上靈之降

治紀名佳節錫祚昌期爰洎纂承益虔薰奉

伏以寶祚之承緬憑僊系飈游之下顯著珍符紀靈跡  
於嘉辰凝異薰於祕殿伏願上清降監丕緒鴻延陶庶  
物之阜成格九圍之休靖

後苑太清樓開啟祝聖壽金籙道場密表

伏以嗣守邦圖浸踰歲紀懼德弗類延灾有來適因寤  
寐之勞遂爽晦明之裕涓季春之吉旦啟祕籙之靈場  
伏冀神監助休道風銷慝庶永綏於丕祚以大庇於涵

生

內中福寧殿開啟祝聖壽周天醮道場密表

顧以匪德處於士民之上兢兢如弗勝乃晦明之交爽  
和於理大恩五事之失中未當於天心敢昭發精誠以  
祈福于上帝倘不以眇躬之責且惠其下民則思所以  
省咎謝貺不敢不勉

建隆觀三清殿開啟消災祝聖壽道場密表

伏以敬孚妙本善及涵生眷寡德之嗣圖勞萬幾而違

晉按科仙宇格信上園庶回監下之明永錫垂洪之祉  
內中延福宮穆清殿開啟祝聖壽道場密表二

道

伏念日者先帝以天下大器屬于冲人顧德弗類乃夙  
夜兢競有臨谷之愆撓被荒疚神明未還羣靈在上敷  
監在下倘使興福於眇躬維是一心敢墜天之隆命

伏以惕膺大訓茂纘皇圖載維涼菲之姿未召康寧之  
福爰依祕寓疊建清場披瓊笈之冲科企絳旌之歛馭

庶資道果垂錫邦祺

修神御殿權於觀文殿奉安祖宗御容表

伏以邦釁如昨年陰載移式瞻列聖之祠將宅先皇之御既圖新於靈構爰庀事於嘉時愾慕如存式嚴遷告南郊青城皇帝問太皇太后聖體表

臣言尊系聖之度見太元之尊飭萬衛以徂郊候初陽而薦玉遽違信宿之侍重結晨昏之思寒律御辰嘉休相德



熙寧元年南郊御札

有天下者莫重上神之報為人子者莫嚴宗廟之承率躬三歲之祠常候一陽之應緬慕先聖光施冲人載循禋類之期適在諒陰之際大恩不能備飭儀物奉將粢盛於是刺六經之文傳博士之議皆以謂喪有以權而順變祭無以卑而廢尊矧稽參西漢之彝沿用景德之制顧予涼菲賴帝貺臨遂卜天正之辰往修郊見之禮方且進祈茂祉以大芘黎元昭格至精以終圖熙事庶

幾能享其敢憚勤朕以今年十一月十八日有事於南  
郊咨爾攸司各揚厥職諸道州府不得以進奉為名輒  
行科率其百司除事神之物並宜一切仍舊外餘應於  
供奉所湏務令淳約以稱朕不忘孝思之義



欽定四庫全書

華陽集卷十二

宋 王珪 撰

制詞 青詞

福寧殿啟建天祺節道場青詞

伏以圓靈孚祐寶命來符載承先烈之休又紀嘉辰之  
會夙探沖式徧繹真文冀神造之溥臨錫邦圖之永久  
滿散道場青詞

伏以大象開先必根於元造寶文騰瑞載紀於嘉辰按

參聖之舊彛企高晨之列御終祚明烈永孚順釐

景靈宮英德殿看經堂開啟道場青詞二道

伏以法馭賓空未隔顧言之遠流陰易節早臨諱日之  
初瞻遺像於原祠發沖科於祕笈庶嚴道範益輔神游  
伏以六駕神螭莫返乘雲之御雙擎僊掌載驚零露之  
辰追末命于當年演沖科於別宇庶恢妙用益薦遐升  
景靈宮開啟火星出現恭謝道場青詞

伏以時之災祥緣類而至顧德之薄謫見於天恐懼一

心歛感順軌帝視非遠益祇以修

內中開啟天慶節道場青詞

伏以禧動年芳華生月朏仰祥符之盛烈膺上帝之靈  
文載歷佳辰具循先制祓九重之祕宇舉十極之沖科  
庶恢道甫之宗永介皇圖之固

內中福寧殿開啟醮彗星道場青詞

伏以上帝聽邇每示民以災祥一人保圖必畏天之威  
命乃妖文著於營室戾氣歷於金方竊循災變之繇實

重瑣涼之懼用按科於祕殿方謁款于高穹庶蒙降監之私以返在躔之象

罷散禳醮彗星道場青詞

向以太史占文西躔示變顧天衷之靡測有邦咎之所從內格至精仰孚靈監忽妖芒之澄象致順氣之凝休益勵菲思庶符元佑

南郊綵內大殿上開啟保安靈寶道場青詞

伏以躬類上神夙嚴大次顧飭事之甫就屬錯事之有

期宜預祓於齋廷庸具緒於寶籙庶蒙靈佑終舉上儀  
坤寧宮啟建皇太后本命道場青詞

伏以荷天休命嗣國丕基孝承祖養之慈時及命元之  
紀企列真于上極宗衆妙之高風庶默下于靈觀用蕃  
膺于沖祉

奉元殿啟建皇太后本命道場青詞

伏以母儀正位極致養于孝誠神造主生推發祥于元  
命屬上冬之吉序敷三洞之靈科庶集沖釐均休皇祚



慶寧宮啟建皇太后本命道場青詞

伏以慈闈致養方率孝于羣倫寶律薦時載推神于元命即列真之邃宇研諸妙之靈文庶歸蔭于道風益均祥于皇祚

太乙宮啟建皇太后本命道場青詞

伏以孝尊長樂序戒元辰禁館敷筵僊函發籙伏冀上真垂祐寶祚均長敢薦信于靈觀永希風于道甫

西太乙宮啟建皇太后本命道場青詞

伏以長信奉親必極天下之養元辰本歷載當冬仲之期緬欽不宰之私默系有先之命延羽禱之上侶按瓊科之妙儀庶闕道于真風益輔祥于永祚

明堂內中廣聖宮開啟靈寶道場青詞

伏以九清會元裁總萬化衆妙宗德顧右丕圖季秋肇辰五室合饗按籙珍館飛章太虛垂錫順祺消成熙事

明堂車駕出內前一日奏告景靈宮道場青詞

伏以蠲辰季秋錯事重宇歸駕自廟格薰于天載達至

忱尚蒙丕施

明堂禮成內中福寧殿罷散恭謝道場青詞

伏以五府之詞通神合奠自天降祉膺于無窮廣殿四  
嚴萬靈來下至精發德以謝休成

明堂朝謁景靈宮天興殿聖祖奏告道場青詞  
伏以肇錫元符實基真緒屬諏辰于商律載講禮於路  
廷夙夜齊興順祗祕館薦誠先達遺祉後延

明堂朝謁景靈宮保寧閣元天大聖后奏告道

場青詞

伏以德載靖柔功符函厚奉祠太寢祇事真廷仰瞻聖  
儀實主陰化聿陳芳薦庶格蕃釐

明堂奏告在京諸宮道場青詞

伏以述修曠儀升成宗祀內盡饗親之孝上孚拜帝之  
休卜季商之有期瞻真馭之攸館式申先告用格至虔  
內中福寧殿開啟先天節道場青詞三道

伏以徂暑收辰素商臨候稽靈源於道祖啟丕祚於皇

基載肅殊庭甫虔法會欽若王神之祐永惟重器之承  
敢迨至精以懷真蔭

伏以徂暑收節涼颶應辰稽道祖之生期啟皇圖之永  
祚有嚴邃宇式按沖科惕維大寶之承欽若上靈之睠  
敢忘顒慄以嚮順祥

伏以秋迎新朔節紀嘉辰感靈系之肇祥企高辰而薦  
信瓊科按式藥笈翻文庶法道之自然以資功於不宰  
俯回沖監終祐皇圖

罷散青詞三道

恭以寶系發祥真符告祚肇素秋之凝候即祕殿以陳  
科集供清場致精道果期九真之迪蔭保百世之延洪  
仰答顧懷敢忘顒慄

伏以憑緒僊源發祥丕祚紀靈符之肇迹垂嘉節于素  
秋案式清場致精道果仰迪九清之監下延百世之洪  
期與延生永懷真蔭

伏以寶系自天珍符在國適紀素商之序夙清祕殿之

筵探道蘊於琅函企真游於紫極至誠內罄沖祐長享

內中福寧殿開啟天貺節道場青詞二道

伏以珍符發瑞嘉節標期披太素之琅書企紫宸之芝  
御伏冀密誠上格靈貺下敷助永昌圖歸勤大道

伏以時維季夏熾以景炎天發珍符祚我皇歷載企九  
清之御式敷三洞之科仰通至忱昭格靈監

罷散青詞二道

伏以祕殿集靈僊符記節祇循綠蘊之範遐禮紫虛之

游伏冀感真洞元右德錄行陶物生之大順錫邦祚之  
鴻休

伏以上靈顧德早錫於休符季夏協辰載臨於嘉節神  
謀燕後寶歷鴻垂益嚴三景之科遙竚九闕之御幾崇  
妙蘊仰企真風

內中慶瑞宮開啟奉安九宮貴神道場青詞

伏以丕膺皇序協奉尊神維布氣於九宮實力生於下  
土爰被禁楹之奧載延真馭之游益薦至衷永孚沖祐



集英殿開啟謝晴道場青詞二道

伏以秋霖為沴田稼將傷即廣內之殊庭開五天之法  
會而晝陰回景民墊銷虞緬思邦務之難敢忘慈力之  
報

伏以仲秋戒節暴雨為災蒙惠力之溥通感沴陰之旋  
釋言念有生之夥率繫能覺之仁維厲至忱用酬嘉應  
慶寧宮皇后本命殿開啟金籙道場青詞

伏以列耀在天默司於陰隲衆真祐善有賴於機祥道

迎椒掖之時休肅置仙科之淨供仰依妙果增固純禧

建隆觀翊教院開啟皇帝本命道場青詞二道  
伏以涵象紫虛實充本生之氣祕言丹籙蓋司定命之  
文考日道祥按科嚴供祓殊庭之中遽佇靈駕之下虞  
留監精明輔延昌熾嗣安丕運永嚮真風

伏以九清右下陰扶皇祚之延六氣旋中環次命元之  
紀肅依道宇明按真科敢薦誠忱庶迎福順

建隆觀開啟皇帝本命靈寶道場青詞二道

伏以惕惟眇躬欽被景歷大時播氣元命膺辰適臨炎  
籙之中預敞珍臺之會瞻玉晨之絕致迎飈御之下遊  
願監忱思享垂惠蔭

伏以四時回復萬化氤氲祇荷寶圖聿臨元命仙廷之  
闕列御所棲仰薦精衷庶回道蔭

壽星觀開啟皇帝本命靈寶道場青詞

伏以承天之序享國之安適臨元命之期仰懷乾造之  
蔭延真祕宇按式青壇跂遐福於太清保皇圖於永祚

南京鴻慶宮開啟皇帝本命道場青詞二道

伏以別都之奧皇運啟基作為靈宮館寓衆聖顧循眇  
質嗣撫休期屬歲律之乘秋推命元之協日載嚴道式  
丕迓純釐

伏以大火臨墟寶肇基于王業羣飈洎館爰系迹於真  
風顧蒙寄於丕圖薦推辰於始命往即殊庭之夕具宣  
元洞之科精志所享皇休是祚

兗州會真宮開啟皇帝本命道場青詞

伏以天心丕應肇新邦統之承月律再移旋次命元之  
紀遯瞻祕閣素宅靈區載陳瑤席之芳具繹琅書之蘊  
伏冀颺游格馭斗籍著符終繫覆露之仁永保熾昌之  
祚

內中慶寧宮開啟奉安皇帝本命道場青詞

猥以涼德獲承至尊顧慶寧之新宮實明兩之舊邸肆  
惟丕命之發式是羣靈之扶歸命高真資闕妙蔭

延祥觀開啟皇太后本命道場青詞

伏以奉長樂之尊極於四海之養歷元辰之吉資以衆  
靈之扶預即真祠精為醮式仰上清之敷佑均丕祚之  
垂鴻孝誠必通圜聽無昧

東太乙宮開啟皇太后道場青詞

伏以享綿區之奉極慈壺之承適更序於杪商載推辰  
於元命贍列真之間館陳祕洞之靈科庶膺神祐之蕃  
以大母儀之助

建隆觀開啟皇太后本命靈寶道場青詞

顧以運纂聖圖孝承慈養履冬煒之正候著斗籍之元  
辰緬企帝臨修嚴道果留監始青之極保隆長樂之尊  
誕錄神休均延邦祚

內中慶寧宮開啟皇太后本命道場青詞二道  
伏以孝尊長樂序戒元辰禁館敷筵僊函發籙伏冀上  
真垂祐寶祚均長敢薦信於靈觀永希風於道甫

伏以獲循景業祇奉慈闈環臨元命之辰逝仰列真之  
御爰探祕式夙建清場庶資欽翼之誠益介壽昌之福

乾坤  
廣潤





欽定四庫全書

集部  
華陽集卷十三至

詳校官庶吉士<sub>臣</sub>李如筠

檢討<sub>臣</sub>何思鈞覆勘

謄錄監生<sub>臣</sub>陳長春

謄錄監生<sub>臣</sub>南光祇

欽定四庫全書

華陽集卷十三

宋 王珪 撰

制詞

青詞

集禧觀奉神殿開啟祝聖壽道場青詞

伏以律更九夏氣盛南訛顧微眇躬嗣守大器循珍臺  
之妙式企紫府之真游庶格靈觀具綏涵福

西太乙宮開啟祝聖壽靈寶道場青詞

伏以天之貴神人之司命具紀昭回之象參於陰陽之

祥猥嗣鴻圖肇臨商序即西郊之勝宇按三洞之冲科  
感迪蠲蒸錫隆壽祉

皇太后就集禧觀開啟祝皇帝聖壽道場青詞  
伏以天聽敷民仰建明威之用嶽靈峙館夙垂陰佑之  
符敢按式於清場庶降觀於圓極丕錫邦祺之茂永延  
帝御之鴻

內中延福宮穆清殿再開祝聖壽道場青詞二  
道

顧以眇躬遭逢國釁故即祚以來荒疚弗豫惟皇上帝  
未降靈於我家念我先王克保天命以遺其子孫嗣無  
疆大歷天若尚監茲有邦使得秉璧與珪以事上下神  
祇以福滋下民雖實弗類思所以承天之意敢不勉乎  
伏以元氣幹于太虛至仁涵于羣動顧循寡德膺守丕  
圖屬邦禍之疚懷殆神機之曠日惟皇上帝實佑下民  
冀垂惻于高明終集休于題序

內中廣聖宮開啟祝聖壽道場青詞二道

伏以金飈應節屬萬寶之初登璇館凌虛實列真之所  
御嗣膺皇歷欽事至神披藥笈之靈文列瑤壇之芳薦  
冀延休于永祚長拜祝於嘉辰

伏以朱煒謝暑素籥迎秋按瓊式于珍臺企飈游之列  
馭念守邦圖之重具膺神顧之私更飭齋衷以靳沖佑  
後苑太清樓開啟祝聖壽金籙道場青詞二道

伏以道本清淨福涵自然神之威明功運不宰重惟菲  
德忝嗣丕基動靖爽和生靈系命載嚴秘宇就按仙科

顧迴監謫之私庸保壽昌之祉永懷欽翼上答顧臨  
伏以大道無名妙周萬物之用上穹有命陰定下民之  
生雖元化之莫形靡至精之不監肅陳秘殿之會具繹  
仙函之科中罄齋顙上漸福順導非躬之丕裕荷靈運  
之永孚

集禧觀崇禧殿開啟年交金籙道場青詞三道  
伏以運薄星回歲陰垂暮年華物始春籥行新顧承大  
統之休夙被三靈之蔭念薦更於順序思歸謝於元功

前祓殊庭按陳法席遙佇飛颺之駕下歆甘露之羞丕  
擁至銖廣茲羣彙

伏以天回星紀物動年華驅積沴於故陰導泰和於首  
序講求沖式布于靈場仰至監之溥臨錫庶生之丕茂  
伏以四氣播時屬年陰之終紀三期啟朔方物始之乘  
春睠眇德之承基思泰和之蒙宇預敬真廷之會大陳  
寶錄之科庶履歲元溥綏邦祉

玉津園罷散為民禳災天皇九曜道場青詞



伏以天聽之卑默下災祥之告君應以德敏如影響之  
隨比春律之向闌乃星躔之示變爰被華林之會仰延  
飈駕之游至枕格于靈觀順象澄于宵晷益懷修省之  
懼庶答蓋林之私

建隆觀開啟中元節道場青詞

伏以肇秋之辰既望之夕候仙都之校籍即秘館以敷  
筵夙稽三洞之科緬竚九清之駕仰孚靈監申錫順祺  
景靈宮奉真廣孝兩殿開啟中元節道場青詞

伏以靈宮之秘真馭所棲屬歲籥之肇秋仰霄躔之既  
望載啟清場之會且披寶籙之文式薦道因用孚孝則  
慶瑞宮開啟奉安九宮太乙道場青詞

伏以皇居宅奧靖館欽神瞻烈御之布方信羣元之系  
福適竚靈旗之顧載嚴寶籙之科俯盡肅承終蕪陰右  
大暉皇子催生道場青詞

伏以上帝宰於羣生天下繫之大本自獲膺眷祐而久  
虛繼承國統未昭民情尤鬱今炎精御氣秘掖兆祥伏

冀神相福基天扶德祚早開重照之瑞以紹永圖之休

壽星觀開啟奉安真宗御容道場青詞

伏以天錫元符祚我炎統遺烈被世民心永懷宅真之  
庭靈駕留躋薦誠昭潔晷達高清緬慕如存庶寧道蔭  
夏竦南京鴻慶宮三聖殿開啟道場為奉安真  
宗皇帝御容青詞

伏以南都奠壤王業肇基詣烈祖之靈宮奉先朝之睟  
像載涓良日恭啟清塲仰祈降鑒之靈益布克昌之祚

永繫真陰大庇多方

萬壽觀膺福殿開啟權奉安真宗御容道場青

詞

伏以奉先之宇積為風雨之傷庀事之辰暫徙衣冠之  
御企玉晨之秘境陳霞觀之沖科庶妙格思式綏靈顧  
玉隆觀開啟乾元節道場青詞

伏以茂樹交秀薰風導和當炎靈化育之初實眇質誕  
生之候普膺聖護參荷真休奉春秋則廟社歆寧御遠

邇則兵民保人敢憑醺席恭導虔誠庶資薰潔之修仰  
達紫清之鑒洽敷順氣丕冒羣倫

內中靈登殿罷散乾元節道場青詞

伏以正陽之月震誕紀期涓闢殊庭延飈以御瓊科藥  
笈修祓以虔伏冀高清儲靈垂佑寡德邦歷之固與民  
均休仰答上仁匪誠敢怠

內中福寧殿開啟禳彗星普天大醺道場青詞

伏以顧德弗明臨位若惕惟貌言未飭於已而政化未

孚於民因鑒氣之潛奸感妖芒之繼見觀變甚異側思  
靡遑繹妙本于沖科格至精于圓聽庶厲省修之實亟  
迎銷伏之祥

醴泉觀開啟皇太后生辰靈寶道場青詞

伏以良月戒寒純坤宅厚紀慈闈之誕序會聖歷之嘉  
辰溯祓殊庭具敷靈武庶演真風之妙永同皇祚之休  
皇后生辰道場青詞二道

伏以天作之合教流六宮初陽施生昭紀誕序青蓮跬

坐勝果滿前與皇同休永祚無極

伏以六宮內治方播美於柔風四氣迭更載紀祥于誕  
序倣靈峯之妙供繹寶箴之空文庶凝神極之休永輔  
皇圖之固

皇太后生辰道場青詞二道

伏以冬籥道寒應就盈之良月母闈鍾慶紀載誕之休  
辰敬別殿之清塲研上清之妙教庶續慈齡之茂永均  
皇厯之昌

伏以尊履皇圖孝申母養屬商飈之御氣紀沙麓之開  
祥夙探秘洞之科屢揖列真之御庶資道妙丕錫時休  
集禧觀崇禧殿開啟羅天大醮為貴人董氏禳  
災道場青詞

伏以圓清在上博覆無私總裁萬化之原臨制羣生之  
命屬後宮之有請即真館以致精祇命羽流申發琅素  
仰格至高之鑒永綏厚祉之延

內中福寧殿開啟三長月祝聖壽道場青詞



伏以歲遞流陰月更仲夏祗循道範被于靈壇芝蓋飛  
華琅函發素晝藹之夕以竚飈游伏冀九清導祥垂祐  
眇質邦國永祚實託生民

福寧殿罷散青詞五道

伏以九陽應月萬寶登辰夙研衆妙之宗寅奉長齋之  
式載蠲秘寢申達清場企鴻覆之博臨鑒精衷之昭事  
錫均純嘏普浸涵生

伏以一氣回春萬祥叢旦顧紹膺于寶厯思蠲格于齋

衷載被禁楹具披沖錄庶自迎于歲始將益介于時休  
伏以宴陰定候畏景遲空夙啟道筵有嚴齋式肇于朔  
旦逮此晦辰羽駕下娛綵章遙御玉曆時福永嚮真風  
伏以三陽發照萬寶向榮夙敷禁殿之筵具按仙函之  
式企至神之運物凝丕福以被民載厲寅衷尚孚沖監  
伏以炎籥適中仙藁及晦預被禁楹之席具披寶笈之  
文贊化育之至神導希夷之沖福逮茲終事益以致精

東西太乙宮開啟祈雨道場青詞

伏以自春以來天久不雨農事失望焦勞如焚上穹愛  
民靡誠不應順氣來復祈昭厥祥

集禧觀洪福殿開啟祈雨道場青詞

伏以歲將西成陰與陽鑿多稼未茂農心焦勞桂華馮  
馮肅若靈下潤雨先布羣生蒙休

在京諸宮觀開啟祈雨道場青詞二道

顧以稷承鴻業德未至天陰陽鑿和雨弗時降黍稷將  
槁害于歲成永念下民疾心如灼冀蒙閔佑靡物不滋

顧德弗明尊御大統自春涉夏雨不降滋寤寐永嘆思  
抆勞止至功助化終惠羣生

集禧觀凝祥池崇禧殿開啟謝雨道場青詞

伏以玉虛上列垂覆有生方春發萌膏雨弗降誠孚天  
監澤物應期延御清場以虔歸報

內中福寧殿開啟祈晴道場青詞三道

伏以積陰成沴淫雨過常遽貽比屋之咨將失甫田之  
望念流災之所自由非德之致然敢厲精誠庶回休證

伏以素序適中積陰為沴眷言淫雨之變罹此下民之  
災載竭精衷庶孚善應祓秘楹之靖密按寶籙之淵微  
永錫順祺丕冒涵宇

伏以登秋在序淫澍為災上天之監未回下民之咨曷  
止顧積思于恐懼期格聽于高明垂祐羣元錫均大順  
在京諸宮觀開啟祈晴道場青詞

伏以秋仲以來淫雨弗止民被昏墊不聊其生災變之  
由緣政而作夙夜恐懼靡敢皇寧至誠孚通庶格丕應

東西太乙宮開啟祈晴道場青詞

伏以秋歛羣生應夫常序天作淫雨害于有年寡德承  
邦反躬省咎按式靈場之秘薦忱紫極之聞斬太陽之  
垂曦願衆慝之銷氣使登萬寶以佑生民

集英殿開啟祈晴道場青詞二道

伏以方天之中淫雨暴至害于嘉穀民次無聊顧守邦  
圖內懷慘結歸信覺力轉沴為祥

伏以秋氣方中積陰肆沴天降淫雨害于衆庶民之無

聊愁困于下顧纂丕序疚心靡寧歸信覺慈幾獲善應  
相國寺開啟祈晴道場青詞

伏以夏秋之交淫雨作沴廬室昏墊下民無聊大覺無  
方應現起福消伏陰晦以道嘉祥

謝晴道場青詞

伏以天降淫雨害于有秋至誠蠲烝感不全日正陽顯  
見民豫物舒蒙神之休禮弗忘報

內中福寧殿開啟謝晴道場青詞

伏以積陰貫辰沴雨傷歲顧天災之暴降懼邦治之大  
虧適通至誠俄塞巨變終歸仁于無造永垂福于涵生

罷散謝晴道場青詞

伏以災異之作誠告孔昭方仲秋之御辰乃淫雨之為  
沴惕奉明威之監遽承休應之來敢怠精衷以祇靈貺

集禧觀開啟仁宗百日道場青詞

伏以仙輿趨駕莫攀上漢之游宮隙流陰遽及隕時之  
慕建妙儀於別境摹法會於諸天庶格精因更資遐陟



景靈宮孝嚴看經堂開啟黃籙道場青詞二道  
恭以聖澤垂鴻覆及眇躬之御仙遊趣駕迅驚流景之  
遷撫遏樂之初辰即棲真之列宇茂敷沖式欽繹靈文  
庶格道于上圓益侈祥于後緒

伏以歲月易流鍾釁如昨哀痛未究遽臨大祥西望園  
陵不勝摧裂

福寧殿啟建聖壽節道場青詞

伏以畫堂發慶適紀誕辰秘殿蘄祥載敷妙式企高靈

之下墮監精素之上通永佑涵生大延景祚

亳州太清宮開啟壽聖節道場青詞

伏以歲籥更端陰華生朏興言震夙之旦寔擁神靈之  
休爰即真祠具敷沖式冀上穹之默監錫邦祚之丕隆  
永晉神休益延聖紀

靈輦殿滿散同天節道場青詞二道

伏以祇紹慶圖仰繫靈顏屬恢台之布序寶誕育之紀  
宸爰即秘庭夙崇法會甫畢齋修之素終蒙保佑之仁

伏以大統當天三陽表夏紀靈樞之夙照陳秘洞之重  
科逖欽不宰之私默下有生之施終回冲監永祚皇休

崇先觀奉元殿開啟太皇太后本命道場青詞

伏以淑律收華炎煒御氣驗清臺之新厯紀慈殿之元  
辰夙敷秘洞之科緬念高辰之馭庶綏神佑常協邦休  
內中坤寧殿開啟奉安太皇太后本命道場青

詞

伏以孝奉慈顏象尊元命載被禁楹之邃仰延真馭之

游探三洞之沖科坡始青之秘籙庶資道妙永介靈休

建隆觀翊教院開啟太皇太后本命道場青詞

伏以茂纘皇圖尊承慈壺屬陽春之季月紀元命之嘉辰爰被殊庭仰延法御庶默回於圓造用丕錫於靈釐

東太乙宮開啟太皇太后本命道場青詞

伏以尊履皇基孝形繇宇方極祖慈之養薦臨元命之辰按靈步於行綦演沖科於秘館庶誠忱之上格錫嘉祉之丕延

上清觀啟建天寧節設醮青詞

伏以草芥雖微皆出乾坤之造君親有慶共殫臣子之誠屬誕聖之昌期竭額天之至懇筵張邃宇像設殊庭冀回赫赫之光俯察區區之意伏願顧諟明德惠綏永圖志上下以咸同時雨暘而晝若九州四海日陶有恥之風億載萬年歲獻無疆之壽

奉元殿啟建皇帝本命道場青詞

伏以正陽紀月元命屆辰仰叩清都恭開靖會舉靈文

而參講集芳品以具陳伏冀盼嚮儲精希微降鑒垂在  
天之仙蔭祚卜世之皇基

建隆觀啟建皇帝本命道場青詞

伏以首春開序元命屆辰爰被殊庭俾陳勝會亶賡揚  
于妙善祈仰格于高真密諒衷懷交敷戢穀寶圖丕固  
仙蔭永休

茅山金山投送金龍玉簡青詞

神畿之奧璇館臨虛道祖之靈籙圖系慶比按三清之

式爰敷九曜之筵薦玉景之高文達龍淵之至信永孚  
妙蔭下錫丕祥

金山水府投送金龍玉簡青詞三道

祥開誕序會集仙科祕府渟淵式通妙草行龍傳簡庸  
達信章緬企真風益孚靈鑒

南有靈淵下渟祕府屬上都之敞會按三洞以成科載  
刊瑤簡之文用致金龍之信庶孚冲鑒永祚純休

靈淵澈洞本為仙府之居信簡傳龍蓋舉道家之範屬

上都之演教瞻秘境以投誠庶格冲觀俯垂妙蔭

玉京洞金華洞投送金龍玉簡青詞

至妙者道之宗無私者天之總維時暮春之序載祓禁  
庭之嚴寶籙披函飈游下席既格衷于靈鑒旋錫祉于  
皇圖瑤簡傳龍以彰至信

張公洞投送金龍玉簡青詞

太極涵元上真凝化顧纘圖于皇序期歛福于羣生跂  
景層虛按科靈宇逮清壇之已事託寶信以馳誠庶格



齋顯用享眷佑

四瀆北海水府投送金龍玉簡青詞二道

地控靈區淵臨邃府肅陳醮席欽迓飈游蒞笈披文式  
遵沖範

氣明薰序神發誕符解秘館之沖科集紫虛之上果遐  
企列真之御俯臨靈委之淵達編玉之鏤章傳行龍之  
闕信庶符情悃丕錫蕃祺

欽定四庫全書

年四  
卷十二

欽定四庫全書

華陽集卷十四

宋 王珪 撰

制詞

密詞

默詞

醺詞

祝文

靈津廟開汴口道場密詞三道

茲以歲漕都中河流東濟候凝春仲役事羣興爰飭使  
車往通信檢祇崇梵果潛助至功庶循醺蕪之方以大  
靈長之德

伏以大河湯湯醺波東注舳艫千里以瞻京師順冬塞

流益導後利

伏以天醞靈派歲均漕流方臨春氣之中將起隄徭之  
衆顧仰資于神護庶俯應于天休載惟善利之功實助  
高困之積

太乙宮祈雪道場密詞

獲纂丕圖肇躬庶政方保民于休靖期育物于順蕃乃  
自冬之初比歲之暮時雪未降大田其傷豈德化不足  
導民之和將精誠未能格神之況中夕是悼焦心靡寧

敢祇被于清場庶歛回于冲馭溥及嘉生之潤一紓羣  
物之憂唯孚至顙以答鴻施

內中廣聖宮并崇先觀開啟道場密詞二道

伏以太極登真莫返乘雲之御流陰變節薦臨撤樂之  
辰瞻珍館之素嚴極先猷之永慕益崇道範仰助神游  
伏以荷燕後之謀緬懷于祖烈述奉先之志薦感于諱  
辰夙依寶館之嚴具薦遐昇之果流陰易及孝慕何勝  
內中延福宮開啟消災道場密詞

性與法空溥濟迷于有識心隨果見大起福于無邊顧  
履極於至尊懼詒災于匪德

內中禱天地祈雪道場密詞

臣猥以眇躬承於丕序維善政及民之薄乃愆陽戾歲  
之和大冬將窮飛雪未下雖盡齋衷之恪尚稽美證之  
孚仰二儀之主生為羣元之系命覲動默臨之監早均  
溥潤之祥弭四氣之札瘥變三農之豐楙永懷况賚益  
厲省修

內中廣聖宮開啟仁宗小祥道場密詞

伏以宮車不復永悼仙游春露載零歛周歲景瑤壇薦式葉笈繙文緬竚靈觀暢申孝慕

內中廣聖宮開啟仁宗大祥道場密詞

伏以三年之制將復于常昊天之恩欲報何極即列真之秘宇頤衆妙之微言申廣道風助躋仙躅

建隆觀等處開啟聖壽道場一月密詞

伏以高御九清之晨下司羣物之命靡至幽之不監惟

精至之所通就被靈祠具敷冲式念靈聽之勞慮因節宣之爽和早祈勿藥之平終獲有邦之慶

皇太后生辰道場密詞三道

伏以氣協應鐘爰紀純坤之月祥開沙麓是鍾文母之賢預被秘庭具披真籙庶行無疆之歷長扶不拔之基伏以氣應水行動初寒于朔琯德符坤厚紀載誕于慈闈夙攀驚嶺之筵衆起魚山之唎庶歸仁于妙覺永均祚于昌圖



伏以冬辰肇序紀長樂之誕期仙籙陳科下九清之法  
御方申嚴于至養適載歷于嘉辰丕承靈監之休永祚  
慈齡之固

集英殿禱天地祈雨道場密詞

伏以夏序之初物生方楸天陽驕厲農畝焦勞惕惟眇  
德之臨深念羣元之夥而時氣未順秋成曷期敢祇薦  
于齋栗庶默回于善應終興潤雨以助登年

西京無畏三藏祈雨默詞

伏以自冬終春陽氣升鬱時雨弗降害于嘉生覺慈無邊具大神智濟民及物灑澤應期

謝雨默詞

伏以春陽鬱蒸甘澍愆候締佛法力應時感通嘉生茂滋釋于民望歸崇妙果敢怠至心

資薦仁宗投送金龍玉簡醮詞

大行不復永慕仙游三洞按科具資道果撤清塲於禁宇投寶信於靈淵願契真風往賓妙境

四瀆水府投送金龍玉簡普天醮詞

紫極涵元宰羣生于下土珍臺寓聖演真教于上都遐  
瞻洞府之嚴素宅神靈之粹式將秘簡以傳行龍惟成  
信于所交諒幽通之靡隔

資薦神宗投送金龍玉簡醮詞

嗣膺丕祚追奉先猷悵寶馭之賓空修芳陰之環歲瓊  
科敷蘊既薦福于真庭玉簡載符庸藻誠于祕府庶回  
靈鑒仰助遐升

安陵修寢殿奏告宣祖太祖太宗奉安祝文

伏以仙邱成寢歲筦流陰屬楹宇之圖新奉衣冠而移御涓辰之吉致告維虔

奉先院慶基殿修造奏告宣祖昭憲皇后祝文  
伏以靈蹕所棲作宮已久風雨所被塗茨弗完不敢不告

景靈宮明福殿權奉安真宗章懿皇后御容祝文

伏以秘館宅神載新華構仙儀導蹕還竚靈娛有懷遺訓之存爰及後昆之裕涓辰奉駕望漢馳思

西京應天禪院拆修太祖神御殿祭告祝文

廟刹有嚴威神所御將改新于寶置永欽奉于睟容仰冀靈明俯垂鑒佑

壽星觀永崇殿奉安真宗御容祝文

伏以龍去鼎湖久隔衆攀之望衣留漢寢空成月出之遊屬沴館之載欣奉睟儀之如在明發孝慕永懷燕謀

天地社稷太廟皇后廟奉慈廟奏告為立皇子  
已賜名曙祝文

蓋聞克親九族以致萬邦之和顧以菲德奉承聖緒永  
念宗室之蕃思所以廣恩也廼考于太宗得濮安懿王  
之子為賢又于國為近屬今賜名曰曙既以為皇子不  
敢不告

明堂祭告在京諸神廟祝文

伏以卜秋吉序講古濶文極嚴父之孝思崇事天之美

報乃涓路寢之室以象合宮之筵將迓休成或先敷薦

祭告景靈宮里域真官祝文

伏以霜律戒期農疇畢務祠天神于複廟款道祖于祕  
宮維土有靈主幽之緯夙辭顧饗右成熙明

奏告太廟七室祝文

伏以禮崇嚴配歲薦親祠載陳備物之筵適在班常之  
室素秋云暮吉日維辛將事于虔先期以告

奏告天地社稷祝文

伏以總章之祠以嚴上帝之配季秋之吉以報萬物之成述稽舊文圖輯熙事飾于盡物告以先期

朝謁景靈宮行禮前二日奏告天地祝文

伏以天之右綏保有丕命三歲之報有豐斯盛禮文濶希包舉宗祀庶幾能饗預以詔虔

朝謁景靈宮行宮內動土祭告里域真官祝文

伏以娛神之禮張幄陳庭先期度工飭以興事敢申嘉薦幾靈之安



明堂太廟皇后廟奉慈廟雅飾奉告土地祝文  
伏以大饗之虔先薦清廟庀工稽事載塗載丹懼神勿  
寧敢肅以告

車駕出內前一日祭告在京諸神廟祝文

伏以夙講濶儀載嚴宗祀裸圭格廟齋蹕按途幽靈不  
遐明福來輔

明堂禮成謝永安陵永昌陵永熙陵永定陵祝  
文

顧以紹綏寶圖躬緝大祭九秋蠲吉五室會精鴻儀繹  
陳嘉應顯見惕懷先訓昭遙曠文維祚之休曷報之極  
禮成謝在京諸神祝文

屬者議禮九房薦誠上帝靈顧保饗美祥降綏輯儀昭  
前追孝風下有懷茲助靡報不虔

朝謁太廟祭七祠祝文

恭以季秋之吉萬寶以登拜况總章歌切清廟爰考祝  
典幾要靈歆

禮成謝五嶽四瀆祝文

夫有天下者必有事天之祭祭不欲數率三歲而躬行之今宗祈明堂不得舉望秩之禮雖然禮成熙明顧匪羣靈之所相乎有菲之報維感格之

太乙宮立夏祝文二道

伏以館寓真游東峙國郊之勝氣迎炎律首當夏序之融敷冲式於琅函竚神光於煥幄冀昭靈監以楸化工伏以行綦布氣道風覆於生民祕館延真禮實高於羣

望肇啟執衡之序茂迎育物之祥祇薦潔芬昭回享顧  
立冬祝文二道

伏以凝陰殺節嚴氣應期類祠靈宮凜順寒籥困有宿  
積室無流災長獲美祥永繫元造

茲以立冬之節土氣含收百穀用成士女嘉樂迎寒在  
野以美歲功四氣順興靡福不屆

西太乙宮立秋祝文二道

伏以星御移宮靈祠寓野屬素秋之應令臨清夜以陳

科仰懷神顧之私丕錫歲成之望方祇皇序益嚮道風  
伏以炎威徂谷涼氣在郊侯素籥之臨辰瞻靈旗之寓  
館遐竚真游之顧時修嘉薦之虔庶迪神休以成歲望  
開汴口祭諸神并河陰縣河侯神祝文

伏以崑崙之墟靈派善下醴波東注轉漕京師歲無悍  
驚繫神之助

祁國長公主立木祭太歲諸神祝文

伏以王姬築館國有舊儀大庀工徒揆日興作諸神有

位罔或驚虞

南郊壇祭告土地祝文

夫郊者就陽位之吉也今墓出壇壝之內非所以導善氣將發而改瘞之維土有靈不敢不告

內中寶慈宮上梁祭告土地諸神祝文

伏以寶慈之宮肇新祕宇環柱叢倚架梁飛空惟土有神佑我嘉祉

內中東宮西位立木祭告太歲土地諸神祝文

維朕愛弟將班外朝飭工治材崇建王邸神其擁右以  
永緒之

又上梁祭告太歲土地諸神祝文

伏以宮城之隅大建王邸崇梁上吉將落其成維神祚  
安萬祉無極

西華門修造祭告太歲土地諸神祝文

伏以王宮之隅高門有煒乘墉圖壯役事所興敢薦嘉  
羞庶安庶靖

又上梁祭告祝文

伏以宮城西華僞工起役諏辰之吉飛梁駕空皇居耽耽羣靈所護肴觴饒潔敢以告神

越國長公主宅動土祭告土地祝文

近以降嬪之館烈焰挺災涓辰既嘉庀徒具作維神主土其擁右之

又立木祭告祝文

茲以主第之災載新厥址堂楹叢倚將以答之敢用庶



羞告於神聽

又修蓋畫堂立木祭告祝文

伏以降嬪之館載敬華堂厥日既嘉庀工是作維神薦  
祉庶落于成

大社祭告為日交蝕祝文

維天子立社所以神地之道助生萬物也若羣陰弗寧  
上薄乾行時則有譴告之異廼日食于六月之吉陰慝  
之作方晝而冥豈邦之政事不修抑神不能助陽宣精

以致厥咎歟退自省懼未有以昭答天心茲用陳兵伐鼓于壇維神國之尊奉其應時銷沴以福于我有邦

天地社稷太廟謝雪祝文

伏以愆陽所薄嘉種弗滋懼邦事之失中感冬溫之作沴爰致精誠之禱遽蒙美應之孚更勵至顯仰醴鴻施南郊雅飾太廟八室奏告祝文

伏以廟寢之嚴風雨所薄就陽展事祓飾有儀緬瞻遺靈不敢不告

太廟修造祭告土地祝文

伏以繹繹清廟風雨祈墉消辰庀工廠用是葺維神相  
事以介其休

太廟七室畢工奉安神主祝文

伏以新作廟寢有烏有挺涓辰嘉良還位神主七世之  
德適觀清明既右饗之維永無極

天地社稷太廟皇后廟奉慈廟祈福祝文

蓋聞王者修飾五事以當天心故蒙天保佑陳錫無彊

今新承大統政未有以感動之也乃懷不能恭事之疾誠懼德素薄不足以奉祖宗之祀夙夜祇栗未識厥圖茲命秉政之臣庶其忠信可以接神也敢請命于上帝之靈惟念先皇帝仁孝之德宜膺祉福畀矜冲人疾病日復永保宗廟而作民主母敢失墜

天地社稷太廟七室皇后廟奉慈廟奏告祝文

仁宗  
上仙

伏以蒼生寡祐仁宗皇帝奄棄天下靡潰煩冤情何可

處國有大變不敢不告

天地太廟七室皇后廟奉慈廟奏告仁宗皇帝

諡號祝文

伏以仁宗皇帝遺德餘烈蒙被天下施之無窮乃羣臣  
請諡於郊曰神文聖武明孝皇帝廟號仁宗今靈几薦  
稱不敢不告

天地社稷太廟皇后廟奉慈廟奏告奉行冊禮

祝文

為將來南郊祀禮成行  
皇太后皇后冊禮之意

伏以誕膺天命祇守聖圖上極母儀之承內繫婦德之助伺嚴禋之就緒奉寶冊以揚徽祇告令期庶孚靈監

太廟七室奏告修仁宗廟室畢工祝文

伏以文考遐登七月而葬承祀萬世將食祖宗新宮既成不敢不告

太廟修八室奏告祝文

伏以觀德之宮數離風雨涓辰庀事以繕以完顧瞻威靈不敢不告

內中龍圖閣羣玉殿權奉安仁宗御容祝文

伏以神遊上僚天緒再周瞻言玉殿之居舊駐金輿之  
蹕顧音塵之未遠幸威像之俄臨伏冀少宅靈娛垂歆  
孝慕

東嶽天齊仁聖帝生日祝文二道

伏以靈祠在國陰化維神相沿既暮之春實紀殫生之  
日爰孚精意庶格順祺

伏以喬嶽配天靈祠在國大東作鎮生氣是司相沿季

春奉祠誕日爰陳嘉薦庶達寅臬

仁宗掩皇堂奏告祝文

伏以日月易流綴衣如昨山川在望寶劍先收神遊未  
遐陵工已復音容永闕心骨同摧

仁宗掩皇堂畢于陵左為方壇上設五方神座  
鎮謝墓法祝文

伏以嵩洛之野壤泉沃深維龜食之嘉兆既宅千載之  
後無有騫崩敢報神休下虞芳席



景陵宮奉真廣孝兩殿修造奏告祝文

伏以原廟之嚴衣冠所在涓辰庀事載塗載茨顧瞻遺靈不敢不告

會聖宮畢工帝后御容還殿奉安祝文

伏以列祖相承永懷於皇訓仙遊來寓載廣於新宮既考卜之協辰且飭工之就緒還迎貴御伏惕孝思

西京應天院修三聖御容殿告遷奉安祝文

伏以盛業基皇舊宅三川之勝仙游御歛載新列祖之

居既稽卜之維良方僞工之有緒告遷之始孝慕何勝  
鳳翔府上清太平宮修太宗神御畢工奉安祝

文

恭以琳宮宅與既新寶構之成羽仗來娛載肅貞游之  
奉遐瞻遺烈中惕孝思伏冀收神永安垂裕後祉

天章閣延昌殿權奉英宗皇帝御容祝文

伏以相名山於洛宅既兆陵園倣原廟於漢儀將遷館  
御潔除秘宇嚴奉睟容冀靈蹕之少安副秉情之罔極

內中修神御殿祭告太歲諸神祝文

伏以西清結宇夙瞻列聖之儀三載終喪將奉先皇之御載規舊寢爰植新楹甫迓靈休式陳嘉薦

景靈宮神御殿修造祭告土地祝文

於赫皇祖英德在天棲真元宮風雨摧剝飭工興事願庇時休

天地社稷太廟皇后廟奉慈廟奏告改元祝文

猥以眇躬紹膺丕命爰履上春之吉肇更新歷之元端

授民時不敢不告以嘉祐九年改為治平元年

惠應生辰祝文

某等風仰威靈均蒙覆露每歲屬仲秋之云始同誠慶  
誕日以惟恭至再至三有始有卒用潔蘋蘩之薦庶迎  
福履之綏神貺不窮民心無數

萬壽觀廣愛寧華兩殿修造奏告祝文

伏以棲真有祠歲久必葺庀徒興事時日既嘉肅遵故  
常敢以前告

章惠太后寶冊遷赴萬壽觀廣愛殿庫奏告祝  
文

日者有司以謂先王之制禮不可過請瘞神主於寢園  
今廟有寶冊不敢以毀宜於祠殿而奉置之不敢不告



欽定四庫全書

華陽集卷十五

宋 王珪 撰

制詞 道場文 疏

乾元節開啟道場文

伏以玉歷垂鴻啟千齡之誕序金言滿義倡諸佛之真詮庶嚴最上之因庸保無疆之祚恭惟皇帝陛下紹天景命持國永圖聲明憚乎濶希德惠浸于遐末屬見離之首氣紀鳴社之初期昭文相公史館相公集賢相公

參政侍郎謨九德之中翊萬極之會慶儲靈于若水擬  
頌聖于華封度披法藏之文大集祇園之供雨花零座  
潮梵騰音覺塵趣之普迷成度門之絕果今皇帝伏願  
如天之燾如日之升七寶千重永護玉毫之相衆星北  
拱長扶紫極之尊相公參政伏願與國榮華俾民富壽  
任常專于柱石功早載于鐘鼎然後願霑勝利于有生  
浹太和于無外

罷散道場文



伏以炎精攄德有開千載之祥海藏縉文式暢諸天之  
蘊表崇因于衆善期輯福于皇圖恭惟皇帝陛下纂  
祖丕基欽天明命仁恩之厚寢鼓舞于涵生風化之醲  
率甄陶于殊類屬應期于華渚溥歸祝于丹宸樞密  
相公樞密給事樞密侍郎韞經邦之謀履當軸之任祇  
園敞會款有相之莊嚴靈鷲傳音締無盡之功德今皇  
帝伏願德如天覆明並日升萬玉趨廷長接塗山之會  
七珍園座永居沙界之尊樞密相公太尉給事侍郎伏

願炳鐘鼎之勤隆柱石之寄輔長世之休業享上天之  
百祥然後願車書所同霜露所墜共嬉昭旦咸集殊  
休

後苑同天節道德疏

皇運當天享羣元之大奉正陽表朔紀載誕之殊祥節  
翠苑以敷筵諷金文之滿義實資勝福永祚昌期

太皇太后生辰功德疏

純坤紀月屬慶誕之佳辰五竺縑文起真乘之上福敢

歸虔于淨教用助廣于勝緣太皇太后伏願萬壽天隆  
百禱雲布陰功助化常扶邦祚之安徽德流音永播工  
詩之首

皇太后生辰功德疏五道

金行肅氣適標載誕之期玉相分毫能現無方之化虔  
數梵席廣繹貝文庶憑最上之緣以續無疆之算皇太  
后伏願等法輪之固同慧日之升海藏騰音已集祇園  
之果仙花覆坐永居長樂之尊

愛日臨郊應帝衡之初序祥雲覆戶鍾母道于昌期豫  
被禁楹具嚴寶供終仰大慈之教當垂外護之仁

相慈之厚方致養以盡誠慧力之通皆應緣而起福紀  
誕祥之嘉序開梵席于禁楹大錫壽祺永歸覺利

長律首宮微陽施種爰啟玉衣之瑞有昭彤筦之徽象  
寶供于龍華發妙音于猊座庶導續齡之祉永經同體  
之符

塗山啟夏邦家必本于閨門封人祝堯臣子各伸其忠

孝敢因慶旦恭演秘函憑最上之妙因祈無疆之遐算  
皇后陛下伏願降年有永如月之明承天而時行懋著  
徽柔之德眉壽無有害永光熙洽之朝

皇后生辰功德疏

坤德流徽式臨于誕日貝文宣妙供仰于臣慈載嚴秘  
邃之庭駢集清修之侶冀資福壽時啟靈場伏願毫相  
分光法雲假廕憑茲勝利永保遐齡

南郊相國寺開啟祈恩道場疏二道

諏辰長至修報上圓因三歲以薦誠盡九州之助祭仰  
企覺慈之蔭善識涵誠之因密相鉅儀來綏百順

肇膺邦緒薦習歲祥適用天正之辰以修郊見之事仰  
大慈之能力濟萬衆于有緣協底丕成均錫羣祉

明堂預告泗州普照明覺大師道場疏

國家躬三歲之祠會五精之氣因嚴以教人之孝友始  
以為民之祈瞻勝迹之有來濟能仁之無盡告誠先事  
垂保後祥

明堂禮成開啟謝在京諸廟道場疏

考古事帝感時念親迄于告成亶弗違禮歸大慈而締  
果答幽監之助祥有託至忱更孚來應

龍圖天章寶文閣開啟年交道場疏

寒布水行識歲功之畢就和生玉律迎天序之將新顧  
承皇極之尊歸奉大慈之教肅西清之祕宇諷天竺之  
靈文幾緣勝事之修薄下時祥之應

慶寧宮保夏道場疏

時迎仲夏功秩南訛太陽曦赫而流空盛氣鬱煩而被  
物夙啟禁楹之會歸崇佛果之修庶格至虔以導嘉祉  
集英殿保夏道場疏

炎煒御辰煩暑被物乃肅祕殿以崇梵筵披白媽之真  
文禮青蓮之妙相重憑法力丕擁善祥下逮涵生畢霑  
勝果

翰林院開啟冬節道場疏

歲功就緒天統復元夙嚴省戶之司具法祇園之供梵



音振席慧景延空庶迎嘉序之新常獲善因之助

內中延福宮開啟祈福道場疏

顧以眇躬嗣于丕緒念萬幾之叢脞懼五事之失中緬  
企正覺之乘會歸妙智之力庶緣勝利永輔皇休

章獻明肅皇后忌辰道場疏二道

軒宮淪耀再丁遏密之期彤管流音空詠思齊之美啟  
丹臺之法會縉藥笈之靈文庶味妙宗益資遐舉

歲律凋陰春郊叢瑞念繼明于皇序思殖福于涵生玉

殿敷筵金文諷義庶妙乘于佛果庸丕輯于邦休

寶相院為民祈福道場疏

氣肅西方畢收羣彙教流震旦有覺能仁禮妙相之垂  
毫繙締文之滿義顧承休于丕緒願霑福于涵生永念  
至心普依惠果

仁宗忌辰道場疏

痛龍髯之中斷未盡哀號感春露之既濡已臨諱日神  
遊浸遠塵世何知顧白晝之不留即金仙之往叩伏願

聞一音之真妙滅諸念于往來超最上乘得無漏果寶  
幢香象長為天上之遊法雨慈雲更作人間之福

禁中安奉祖宗御容道場疏

顧以瑣涼承于基序敞西清之祕宇奉列聖之容衣載  
嚴佛界之修以助仙遊之果仰懷丕烈彌惕孝思

禁中安奉仁宗御容道場疏

神遊日遠睟象天臨將陳法衛之儀往宅靈宮之祕會  
緣四衆證法三乘庶憑真諦之文仰助遐登之果

年節資薦仁宗道場疏

上賓之馭容衛莫瞻西向之丘威神空在顧昊天之曷  
報感春露之載零爰集梵因更資超識

冬節資薦仁宗道場疏

寶燭導和載感踐長之節仙峯駐景莫追御歛之遊即  
西洛之神宮建五天之法席庶憑妙果益助遐登

十月旦資薦仁宗道場疏

冬月之初寒風忽至橋山之下仙馭難留陳法供于梵

筵奉遺儀于神寢庶憑大覺之果或助上賓之遊

乾元節資薦仁宗道場疏

仙輿促駕莫追御歛之遊歲籥移陰載感流虹之節即  
神丘之下館做法會于諸天庶席妙緣用資超識

文懿皇后忌辰道場疏

旋九天之馭已邈于徽音倡諸佛之詮是憑于勝福文  
懿皇后躬肅雍之德稟柔順之儀助正道于先朝留深  
慈于復廟令皇帝緬追遺懿明法孝思載蠲常樂之辰

式仗度門之薦文懿皇后伏願乘二梵之果超羣生之  
迷灑甘露于神天妙大雲于法界令皇帝伏願皇圖日  
懋聖業天隆鼓中和于萬靈一聲教于殊俗然後願台  
躔永耀宗葉長榮盡有相于幽明享無邊之威力

興國寺佛殿畢工道場疏

祇園之勝寶界初成釋迦分身遍滿空界蓮華啟藏交  
誦諦文起一念之至緣道十方之迷識永依慈力廣輯  
圓音

靈祐王生辰疏

虹渚流輝越二日而律終南呂兕觥上壽肅三呼而星  
拱北辰俯仰叅賀之誠仰祝無疆之算伏念某生居華  
土久託王休戴德如天感恩無地幸遇千齡之聖誕敢  
效萬歲之嵩呼不辭潢潦之可羞惟冀箕翼之齊久庶  
崇香火永賴帡幪尚願同休均蒙錫福家肥屋潤可為  
仰事俯育之圖禍滅災消皆有老安少懷之樂

釋迦佛生辰疏二道

四月八日是惟我佛之生辰三界十方皆曰吾師之弟子爰集寶唐之善士共禮華藏之大雄現藥師琉璃光作淨飯燃燈供上祝九重之壽下祈萬姓之安仍將妙吉祥緣普慶恒河沙衆五體投地看龍華會會相逢隻手指天認鹿苑人人有分

八莢莢敷義叔布清和之令四花天雨摩尼降紫磨之身法水吐九龍祥蓮開七步生老病死苦瞥驚火宅之車摩尼達哩吽已慕雪山之道稽古獲化流之被于今



欽象法之存想寶刹于毗藍園奉法王于真實相滌衆  
生垢獻野人芹燈續一燈冀釋家之永振法傳萬法俾  
海教之汪洋

英宗開啟百日道場疏

仙輿趣駕莫攀上漢之遊宮隙流陰遽及踰時之慕建  
妙儀于別境摹法會于諸天庶格精因更資遐陟

十月旦太后資薦英宗道場疏

仙輿不復歲籥薦移瞻神寢以非遙感寒風之又至庶

憑妙果永助遐升

十月旦資薦英宗道場疏

鼎湖仙去愴遺景之莫留栢寢寒生感流陰之忽暮倣  
三天之法供導諸佛之真詮冀席妙因用嚴升趣

英宗忌辰道場疏

春露載零悵流陰之易改宮輿晚駕追軼景以何從望  
仙寢之遺儀倣祇園之法會庶資升趣益侈後祥

英宗小祥道場疏二道

帝鄉孰在莫返神遊日軌不留已成周歲恩涵萬類哀  
動庶心恭惟英宗皇帝聰明睿智之有臨禮樂政刑而  
不悖天人和協宗廟安安雖堯帝之功猶資于神聖而  
文王之壽終損于憂勤永辭萬國之依遽歷四時之變  
玉音未遠龍馭何追抱鼎湖之弓潛焉流涕望裕林之  
栢森以成行敢薦妙緣少伸哀祝伏願證一乘法離六  
欲天挹仙聖于九清御神靈于四海乾坤日月共扶不  
拔之基社稷子孫永庇無疆之福

龍去鼎湖莫追登遐之馭律回姑洗奄當厭御之辰躬  
啟梵筵仰伸孺慕惟願六通自在十地圖成離有想天  
不墮金輪之果超極樂界長瞻月相之尊本支永託于  
慈雲廟社共依于法力